

մանք բերկրէին, ումանք հեկեկային եւ ումանք ճիւղին: Կանգնեալ էի ի տեղն, եւ ահա եկն թապուտն իւր. եւ յետ պահոյ միոյ լւեալ բարեկամացն եկին, բազում կանայս սեւ զգեցեալ, ևս և լաթ առեալ ի վերայ զլիսացն, ի հեռաստանէ ձայնս արկեալ ճէլին մեծապէս և գոռալով բարձրաձայն աղաղակէին, մինչեւ զամենեսեան որ անդն կային՝ ի լաց հանէին եւ նւաղեալ սրտիցն յարտօսր բղխէին. և նոքա այնպէս եկեալ մտան ի տուն նորա: Եւ յետ նոցա նոյնպէս մի գունդ¹⁾ տեսաք, որ նոքա զնոյն աղաղակէին եւ ճիւղ բառնալով եկեալ մտին ի ներս, և ես ոչ կարացի ալ համբերել զփղծկանացս և արտասուացս, առեալ զԼաչինի որդի Սօճա Սահակն եւ գնացի ի խանութ: Եւ յայսմ ժամու թագաւորն զտէֆաէրտարն ի քովն է ձայներ, եւ ի վերայ նորա վազեալ սրով խոցոտեալ ի կոկծանաց վէզիւրին, քանզի սիրեաց թագաւորն զվէզիւրն եւ իմացաւ զբարեկամ լինելն եւ զվրէժխնդիր լինելն չարկամացն իւր: Քանզի այս Սիւաւուչ փաշան մի անգամ ալ վէզիւր եղեւ ՌՃ թվականիս, եւ որք մեռան յայսմ տարւոյն զսոցա ընկերքն ի յայնմ առ տենին ըմբռնեաց և սպանեաց՝ զՂարա Չաւուչ յենկիչէր աղասին, զքեհնեապէկն եւ զՊէքտաշ աղան: Եւ կամեցաւ զներսի՝ որ էին ի պալատն թագաւորին, զնոսա ալ սպանէր, որ յայսմ ամի եղեւ. ասէր թէ Չալխարհիս մալն եւ զքստակն սոքա են արգելեալ, եւ խօսք և հրաման թագաւորական սոցա է, և զթագաւորն որպէս կամին այնպէս առնեն, և չեն թողուր որ զաչքն բանայ թագաւորն եւ կու երկուցանեն թէ Չլինի որ խօսիս, մեք զքեզ կու պահեմք եւ դու մի՛ խօսիր: Զներսի սեաւքն ձգել կամեցաւ եւ նոքա լմացեալ մանզուլ արին ի (շարաւ) և եղին ի տեղի նո-

1) գունտ.